

mur, gauderetque civium universus cœtus cum
iis ingenio certare, quibuscum auctoritas patris
in Academiæ palestra sortem æquaret.

His equidem tyrocinii tradita illis veluti per
manus prudentiae ratio, ob quam Majores vestros
longo plurium sæculorum cursu, vel armis, vel
literis deditos Germania, atque Italia carissimos
habuit, ut cumulandis in Familiam honoribus in-
ter se certaverint, eamque sibi utraque vindicando
propemodum certet. Etsi enim Germania se ma-
trem præbeat, Italia nostra, longo nutricatus
jure quæsto, in sinum recipit, amplexaturque
non cessura carissima pignora, repeatat utcumque
mater ex annalibus suis à Constantinianis usque
temporibus Emerium illum è Marpaco Treviren-
sem pietate clarissimum, tuæ, aliarumque illu-
strium gentium auctorem, qui Sueviam Sanctis-
simo Crucis ligno lustravit, extructoque castro,
loco, ac Familiæ nomen dedit de Sancto Monte,
unde Virtenbergensem inclytam stirpem originem
duxisse, gravissimi testantur Auctores. Amelon-
gum itidem Emerii filium, qui prope Constan-
tiæ Urbem, ubi fusco septus nemore albescens
lacus Waldsee vocabulum vernaculâ regionis lin-
guâ impositum servat adhuc, Waldseensem ar-
cem, gentemque fundavit, traito ex loci facie
gentilitio stemmate, transversam in nigro scu-
to candidam vittam exhibente. Recenseat inde
Germania illustres Dominos, & liberos Barones
Waldseenses, tam in Suevia, quam in Austria,
quô, auspice Rodulpho Habsburgensi, migra-
verunt,